



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Vita Ioannis Berchmanni Flandro-Belgæ Religiosi  
Societatis Iesv**

**Cepari, Virgilio**

**Antverpiæ, 1630**

Aspectus Ioannis alijs ad castitatem stimulus est.

[urn:nbn:de:hbz:466:1-46083](#)

instar cælitis, Deo se per merita illius commendabant. Plures denique apud se taciti exclamabant: Felicem te, qui instar Angeli de cælo in hocce collegium lapsi, huc ad nos excitandos exemplo tuo descendisti! & lacrymis non temperabant, & puris se castitatis amoribus inflammari aspectu eius sentiebât. Quæ res cùm ad eumdem Cardinalem Bellarimum essent relatæ, profusis quoque lacrymis, Priuilegium hoc, inquit, beatissimæ Matri, non nisi illius ipsius fauore potuit seruo ac filio eius impertiri. Quæ sapientissimi Cardinalis opinio verisimilis redditur prece quadam duodecim salutationum Angelicarum, quâ castissimus hic adolescens beatissimæ Virginis puritatem meditatus quotidie eam fatigabat, ut & ipse sermone moribusque afflare alijs posset amorem puritatis, omnemque depellere cogitatum castimoniæ repugnantem: sicut ipsa videlicet sui aspectu omnem humanis mentibus cogitationum lasciuiam depellebat. Quas preces litteris mandatas his verbis faciendas conceperat: *Beata Virgo impuras aliorum cogitationes suo aspectu pellebat: pete & tu, ut tuâ conversatione castitatis amorem ingeneres in alijs.*

Altera prærogatiua, cuius post mortem compos fuit, videtur esse potestas illa, quâ multis opem eius implorantibus inter pericula

cula castitatis suppetias venit. Etenim sacerdotium Religiosorumque hominum, cuiuscumque ordinis aut sexus, plurimi Angelicam eius puritate cognitam, cum in grauissima castitatis discrimina subinde incidissent, ne quidquam se illis explicare conati; eius tandem ope inuocata, remedium inuenire, libidinum suarum ignibus repente velut aqua effusa extinctis. Postea vero, ad illustrandam Dei eiusque seruuli Ioannis gloriam, accepta beneficia apud varios nostrum professi, testandae gratitudinis ergo, aut per se ipsi, aut per alios votivas memoriae tabulas, atque anathemata monumento eius suspendere, perpetuam deinde veneratione religioneque castissimum Iuuenem prosecuti: ut videatur profecto beatissima Virgo hunc seruum suum ac filium non modo viuum prærogatus, sed & mortuum prodigijs ornare voluisse. Ioanni, ad asperendam subducendamque longissime innocentiam suam, ab omni noxa seu aduersus leges Religionis seu Precepta seu Consilia diuina (vti diximus ab eo propositum fuisse) extra singulare Dei præsidium, haec quinque praeterea res auxilio fuere: Comoda bonaque natura; ordinata viuendi ratio; linguæ custodia; usus examinis; diei denique unius mensis quolibet, ad res animi sui excutiendas disponendasque vacatio: quæ res

F 5

omnes